



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N Ձ/15390

< 04 > 07 2023թ.

**Գևորգ Բարսեղյանին
Հասցե՝ ք. Երևան, Տիգինայի փող., 125/1 փ.**

Ուղարկվում է Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական բոլորքարկման վարույթի արդյունքում կայացված թիվ 8300661028 որոշում բեկանելու և նոր քննության ուղարկելու մասին որոշման օրինակը:

Առդիր՝ << 3 >> թերթ:

Պեպ, ոստիկանության գնդապետ՝

Ա. Խուդինյան

Կատ. Հ. Հարությունյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 24.06.2023թ. կայացված թիվ 8300661028 որոշումը բեկանելու և գործը նոր քննության ուղարկել մասին

<< 04 >> 07 2023թ.

ք.Երևան

ՀՀ ՆԳՆ ոստիկանության պարեկային ծառայության պետ, ոստիկանության գնդապետ Ա. Խուրդինյանս, վերանայելով Գևորգ Գևորգի Բարսեղյանի (Այսուհետ՝ դիմող) 30.06.2023թ.-ին ՀՀ ՆԳՆ ոստիկանության պարեկային ծառայություն ստացված դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

24.06.2023թ. ժամը 20:50-ի սահմաններում Երևան քաղաքի Աբովյան փողոցում դիմողը «ԲՄՎ» մակնիշի 01 WV 044 հաշվառման համարանիշի տրանսպորտային միջոցը տեղակայել է ճանապարհի երթևեկելի մասի եզրին ոչ զուգահեռ, ինչի համար ՀՀ ՆԳՆ ոստիկանության պարեկային ծառայության Երևան քաղաքի գնդի 4-րդ գումարտակի 2-րդ վաշտի պարեկ Արամ Ազատյանի կողմից «Հայաստանի Հանրապետության ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին» ՀՀ կառավարության 2007թ. հունիսի 28-ի N955-Ն որոշման հավելված 1-ի 80-րդ կետի պահանջը չկատարելու համար կազմվել է վարչական իրավախախտման վերաբերյալ արձանագրություն՝ և «Վարչական իրավախախտումների վերաբերյալ» ՀՀ օրենսգրքի 129.3-րդ հոդվածի 1-ին մասի հատկանիշներով, և կայացվել թիվ 8300661028 որոշումը՝ կասեցնել Գևորգ Բարսեղյանի տրանսպորտային միջոցներ վարելու իրավունքը 6 (վեց) ամիս ժակետով:

Դիմողը 30.06.2023թ-ի դիմումով խնդրել է բեկանել ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 24.06.2023թ-ին կայացված թիվ 8300661028 որոշումը մասնավորապես նշելով, որ դիմում է ներկայացրել ճանապարհային ոստիկանություն քանի որ տեսանկարահանող կամ լուսանկարահանող սարքերով հայտնաբերված և որպես տուգանք բալային միավոր պարունակող իրավախախտումներից մի քանիսը կատարել է Արթուր Զադեյանը և որոշումները փոխվել է նրա անունով: Ինչպես նաև խնդրել է նշանակել գումարային տուգանք:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում

պարզվել է, որ վարչական իրավախախտման վերաբերյալ գործով 24.06.2023թ.-ին կայացված թիվ 8300661028 որոշումը ենթակա է բեկանման հետևյալ պատճառաբանությամբ.

«Հայաստանի Հանրապետության ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին» ՀՀ կառավարության 2007թ. հունիսի 28-ի N955-Ն որոշման հավելված 1-ի 80-րդ կետը սահմանում է՝ տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝ բացառությամբ այն տեղերի (երթևեկելի մասի տեղային լայնացում), որտեղ գծանշմամբ թույլատրված են տրանսպորտային միջոցների դասավորման այլ ձևեր:

«Վարչական իրավախախտումների վերաբերյալ» ՀՀ օրենսգրքի 124-րդ հոդվածի 21-րդ մասի համաձայն՝ տրանսպորտային միջոցների վարորդների կողմից կանգառի և (կամ) կայանման կանոնները խախտելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով, տուգանային միավորի կիրառում՝ 0.5 միավոր:

«Վարչական իրավախախտումների վերաբերյալ» ՀՀ օրենսգրքի 129.3-րդ հոդվածի համաձայն՝ տուգանային միավորի ձևով վարչական տույժ նախատեսող՝ ճանապարհային երթևեկության կանոնների (ճանապարհային երթևեկության անվտանգության ապահովման բնագավառի օրենսդրության) խախտումներ պարբերաբար կատարելը, այսինքն՝ սույն օրենսգրքի 123.3-րդ հոդվածի 1-ին, 123.5-րդ հոդվածի 1-ին, 1.1-ին, 5-րդ, **124-րդ հոդվածի 2-րդ, 5-րդ, 6-րդ, 8-րդ, 9-րդ, 11-րդ, 14-րդ, 17-րդ, 18-րդ, 21-23-րդ, 26-րդ, 124.3-րդ հոդվածի 1-ին, 124.4-րդ հոդվածի 2-4-րդ, 124.6-րդ հոդվածի 1-ին, 126-րդ հոդվածի 1-ին, 135.2-րդ հոդվածի 1-ին կամ 2-րդ մասերով նախատեսված արարք կատարելը, եթե այդ իրավախախտման համար նախատեսված տուգանային միավորի և տվյալ տարում վարորդի նկատմամբ կիրառված տուգանային միավորների հանրագումարը կազմում է 9 կամ ավելի միավոր՝ առաջացնում է տրանսպորտային միջոցներ վարելու իրավունքի կասեցում՝ վեց ամիս ժամկետով:**

Ուսումնասիրելով ճանապարհային ոստիկանության վարչական ակտերի հաշվառման էլեկտրոնային ռեգիստրում առկա տվյալները պարզ է դառնում, որ Գևորգ Բարսեղյանի կողմից ներկայացված դիմումի հիման վրա թիվ 2316324864, 5300002828, 2316271820, 2316246411 և 2316610367 որոշումները ճանաչվել են ուժը կորցրած և նշված որոշումներով ամրագրված խախտումները քաղաքացի Արթուր Գևորգի Զադեյանի կողմից կատարելու փաստի հիման վրա վերջինիս նկատմամբ կայացվել են թիվ 2316664147, 5300005982, 2316664137, 2316664128 և 2316664157 որոշումները: Այսինքն վերը նշված որոշումները ուժը կորցրած ճանաչելով մասամբ վերականգնվել են Գևորգ Բարսեղյանի տուգանային միավորները և **24.06.2023թ.-ի 8300661028** որոշման կայացման պահին վերջինիս տուգանային միավորները սպառված չեն եղել:

Այսպիսով ձեռք բերված փաստական տվյալների ուսումնասիրությամբ պարզ է դառնում, որ քաղաքացի Գևորգ Բարսեղյանի արարքում 24.06.2022թ.-ի դրությամբ բացակայում է «Վարչական իրավախախտումների վերաբերյալ» ՀՀ օրենսգրքի 129.3

հոդվածի 1-ին մասով նախատեսված վարչական իրավախախտման դեպքը, սակայն առկա է «**Վարչական իրավախախտումների վերաբերյալ**» ՀՀ օրենսգրքի 124-րդ հոդվածի 21-րդ մասով նախատեսված իրավախախտման դեպքը, որը պատասխանատվություն է նախատեսում նվազագույն աշխատավարձի 5000 ՀՀ դրամ գումարի չափով և 0.5 տուգանային միավորի կիրառմամբ:

«**Վարչական իրավախախտումների վերաբերյալ**» ՀՀ օրենսգրքի 293-րդ հոդվածի 4-րդ մասի համաձայն՝ վարչական իրավախախտման վերաբերյալ գործի որոշման դեմ գանգատը կամ բողոքը քննող մարմինը (պաշտոնատար անձը) վարչական իրավախախտման համար պատասխանատվության մասին նորմատիվ ակտով նախատեսված շրջանակներում փոխում է նշանակված տույժի միջոցը, բայց այնպես, որ տույժը չխստացվի:

«Վարչական իրավախախտումների վերաբերյալ» ՀՀ օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Նույն օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 293-րդ հոդվածի 2-րդ մասով.

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 24.06.2023թ. կայացված թիվ 8300661028 որոշումը բեկանել և գործն ուղարկել նոր քննության:
2. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Երևան քաղաքի գունդ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պեպ, ոստիկանության գնդապետ՝



Ա. Խուդինյան